



**Broj: 01-231/22**  
**Vareš, 27.10. 2022 godine**

**IZVJEŠTAJ/IZVJEŠĆE**  
*o realizaciji Programa rada Općinskog vijeća Vareš,*  
*za prvo polugodište 2022. godine*

Općinsko vijeće Vareš na 11. sjednici održanoj dana 29.12.2022. godine, donijelo je Program rada ovog predstavničkog tijela za 2022. godinu. Programom rada utvrđene su tematske i normativne aktivnosti Vijeća, kao i kvartalni sadržaj akata koji će se razmatrati na sjednicama OV u 2022. godini s tačno utvrđenim nositeljima izrade, predlagačem i rokovima.

Programom rada za 2022. godinu utvrđeno je da će Općinsko vijeće razmatrati 71 tematsku cjelinu i donijeti 24 akta iz oblasti normativnih aktivnosti koje su u nadležnosti vijeća ili ukupno 95 cjeline.

U prvom polugodištu tekuće godine Programom rada utvrđeno je da Općinsko vijeće razmatra 42 tematske i 17 normativno - pravnih cjelina.

U izvještajnom periodu Općinsko vijeće je održalo 6 redovnih sjednica i 1 Svečanu sjednicu. Na redovnim sjednicama, Vijeće je razmatralo ukupno 83 tačke dnevnog reda ili 14 tački dnevnog reda po održanoj sjednici.

Kolegij OV održao je 6 sjednica.

Realizovano je 39 (planirano 42) tematskih i 9 normativno - pravnih cjelina (planirano 17) po Programu rada Općinskog vijeća ili 81,3% polugodišnjeg Programa, odnosno 50,5% godišnjeg Programa.

Programom rada nisu planirane, ali je po ukazanoj potrebi i po zahtjevu ovlaštenog predlagača OV razmatralo 25 tematske i normativno-pravne cjeline.

U izvještajnom periodu, Vijeće je po Programu, zaključcima i po dostavljenim prijedlozima od strane ovlaštenog predlagača ili po ukazanoj potrebi, donijelo 23 odluke, 11 rješenja, razmatralo je 18 izvještaja, 18 informacija i 7 drugih akta.

Po Programu rada Općinskog vijeća za 2022.godinu u prvom polugodištu nije realizovano osam normativno – pravnih akta i to:

1. Prijedlog Odluke o utvrđivanju površina za parkiranje motornih vozila  
Nositelj izrade: Služba za prostorno uređenje i Komisija.  
Predlagač: Općinski načelnik.  
Rok: I kvartal 2022. godine.  
Razlog: Realizacija u toku.
2. Prijedlog Odluke o davanju u zakup stanova Općine Vareš.  
Nositelj izrade: Služba za prostorno uređenje.  
Predlagač: Općinski načelnik.  
Rok: I kvartal 2022. godine.  
Razlog: Realizacija u toku.
3. Prijedlog Strategije razvoja lokalnih cesta i ulica u gradu i naseljima za period od 2021. do 2031. godine.  
Nositelj izrade: Služba za prostorno uređenje.  
Predlagač: Općinski načelnik.  
Rok: I kvartal 2022. godine.  
Razlog: Nepoznat.
4. Prijedlog Odluke o izmjenama i dopunama Odluke o bezbjednosti saobraćaja na cestama (prečišćeni tekst).  
Nositelj izrade: Služba za prostorno uređenje.  
Predlagač: Općinski načelnik.  
Rok: II kvartal 2022. godine.  
Razlog: Realizacija u toku.
5. Prijedlog Regulacionog plana „Toljenak 1“.  
Nositelj izrade: Služba za prostorno uređenje.  
Predlagač: Općinski načelnik.  
Rok: II kvartal 2022. godine.  
Razlog: Nepoznat.
6. Prijedlog Odluke o provođenju Regulacionog plana „Toljenak 1“.  
Nositelj izrade: Služba za prostorno uređenje.  
Predlagač: Općinski načelnik.  
Rok: II kvartal 2022. godine.  
Razlog: Nepoznat.
7. Prijedlog Odluke o dodjeli općinskih priznanja i nagrada općine Vareš za 2022. godinu.  
Nositelj izrade: Služba za opću upravu, društvene djelatnosti i boračku-invalidsku zaštitu i Stručna služba Vijeća.  
Predlagač: Općinski načelnik.  
Rok: II kvartal 2022. godine.  
Razlog: Realizovano u julu mjesecu.

8. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica od 2021.-2025 godine.  
Nositelj izrade: Služba za prostorno uređenje.  
Predlagač: Općinski načelnik.  
Rok: II kvartal 2022. godine.  
Razlog: Nepoznat.

Po Programu rada Općinskog vijeća za 2022.godinu u prvom polugodištu nisu realizovane tri tematske cjeline i to:

1. Izvještaj o radu Zdravstvenog savjeta Općine Vareš za 2021. godinu.  
Nositelj izrade: Zdravstveni savjet Općine Vareš.  
Predlagač: Općinski načelnik.  
Razlog: Nije bilo aktivnosti.
2. Izvještaj o rješavanju upravnih stvari u upravnom postupku svih Općinskih službi za upravu u 2021. godini.  
Nositelj izrade: Služba za opću upravu, društvene djelatnosti i boračko-invalidsku zaštitu.  
Predlagač: Općinski načelnik.  
Razlog: Realizovano u julu mjesecu.
3. Informacija o realizaciji Ugovora o koncesijama za 2021. godinu.  
Nositelj izrade: Služba za prostorno uređenje.  
Predlagač: Općinski načelnik.  
Razlog: Realizovano u julu mjesecu.

Pod tačkom „Tekuća pitanja“ Vijeće je upoznato ili vodilo raspravu o 26 tekućih pitanja, od kojih je 19 u pisanoj formi bilo upućeno OV od strane viših nivoa vlasti, udruženja, fizičkih i pravnih lica, a 7 po usmenom zahtjevu vijećnika ili ovlaštenog predlagača.

Općinsko vijeće je na sjednicama, razmatrajući materijale u izvještajnom periodu donijelo 20 zaključaka od kojih je 10 Zaključaka realizovano a 10 je u toku realizacije. Podneseno je 15 inicijativa od kojih su 4 Inicijative realizovane a 11 Inicijativa je u toku realizacije i očitovanju istih.

Pored toga, bitno je istaći da je u skladu s Poslovníkom o radu Općinskog vijeća, na Vijeću upućeno – postavljeno 39 vijećničkih pitanja. Na jedno pitanje nije dat odgovor dok je na sva ostala odgovoreno, podnosioci su dobili odgovore pismenim ili usmenim putem.

Pored održanih sjednica OV, u pripremi materijala za sjednice Vijeća održavane su, po potrebi i sjednice radnih tijela (komisija) Općinskog vijeća, i to: 9 sjednica komisija Općinskog vijeća sa 34 razmatrane tačke dnevnog reda (Prilog: br.2).

Komisije Općinskog vijeća radile su u skladu s Poslovníkom o radu Općinskog vijeća i po ukazanoj potrebi.

Kada je riječ o izvještavanju Vijeća i praćenju provođenja Zaključaka OV, Inicijativa i odgovora na postavljena vijećnička pitanja, može se konstatovati da ima Zaključaka OV i Inicijativa koji su realizovani a veći broj je njih koji su u fazi realizacije odnosno provođenja, dok je manji broj primjedbi bilo upućeno na odgovore izvršne vlasti na postavljena vijećnička pitanja.

U prvom polugodištu 2022.godine vijećnici su pokazali visok stepen prisutnosti pa je na svim sjednicama bio osiguran kvorum potreban za rad Vijeća. U prosjeku se prisustvo vijećnika na sjednicama kreće u procentu od 98 % što je dobar osnov za sveobuhvatan i kvalitetan rad Vijeća. Može se, također, konstatovati da se vijećnici u principu pridržavaju odredaba Poslovnika o radu vijeća te blagovremeno vrše najavu odsustva ili zakašnjenja na sjednice Vijeća (Prilog br.3).

Sagledavajući naprijed navedeno stoji konstatacija da Općinsko vijeće svoj Program rada za tekuću godinu koji je urađen po kvartalima može realizovati, ako predlagači tematskih i normativnih cjelina odgovornije pristupe i u rokovima urade i dostave materijale na razmatranje i izjašnjavanje Općinskom vijeću Vareš, poštujući rok do 15-tog u toku mjeseca, kako bi se ispoštovala potrebne Poslovničke procedure i rokovi.

Iz svega naprijed iznesenog, a u cilju jačanja uloge ovog predstavničkog organa i njegovih tijela u ostvarivanju Ustavom, Zakonom i Statutom utvrđenih nadležnosti, potrebno je da se Općinsko vijeće principijelno pridržava svih propisa i Poslovnika o radu OV i da istraje na izvršavanju utvrđenih zadataka i obaveza iz godišnjeg Programa rada, uz poštivanje protokola donesenih epidemioloških mjera u Federaciji i Kantonu.

Napomena: Pošto se radi o polugodišnjem Izvještaju o realizaciji Programa rada OV za 2022. godinu, nije bilo potrebe preciznije i sveobuhvatnije dati osvrt rada OV i tijela OV. Detaljniji Izvještaj s akcentom na rad stalnih radnih tijela, izvršavanje Zaključaka, vijećnička pitanja, Inicijativa, preporuka i stavova Vijeća u 2022. godini, bit će obrađeno kroz godišnji Izvještaj za 2022. godinu.

Prilog 1. - Pregled rada OV Vareš po sjednicama i dnevnom redu za prvo polugodište 2022. godine.

Prilog 2. - Pregled održanih sjednica stalnih radnih tijela (Komisija) OV Vareš u prvom polugodištu 2022. godine.

Prilog 3. - Evidencija o prisustvu vijećnika/ca sjednicama OV Vareš i o sudjelovanju u radu vijećnika/ca OV Vareš u prvom polugodištu 2022. godine.

Prilog 4. - Finansijski podaci o korištenju budžetskih sredstava OV za prvo polugodište 2022. godine.

**PREDSJEDAVAJUĆA  
OPĆINSKOG VIJEĆA**

**Mahira Brkić**

